



Broj: 15-03-16-5-78-85/24
Datum: 3.2.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o otkazivanju postupka javne nabavke

Član 1.

Postupak javne nabavke **softvera za nadogradnju eLearning platforme za potrebe Agencije** objavljen na web Portalu javnih nabavki Bosne i Hercegovine, Obavještenje o nabavci, broj 1110-1-1-92-3-143/24 od 25.11.2024. godine, a koji je proveden u skladu sa otvorenim postupkom se otkazuje iz razloga koji su izvan kontrole Agencije i koji se nisu mogli predvidjeti u vrijeme pokretanja postupka.

Član 2.

Ova odluka se dostavlja ponuđaču „Ilirya Tech Group“ d.o.o Sarajevo u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

U skladu sa prijedlogom Komisije, dana 3.1.2025. godine ugovorni organ je donio Odluku o izboru najpovoljnijeg ponuđača, broj 15-03-16-5-78-72/24, te su svim ponuđačima upućena obavještenja o rezultatima postupka.

Tenderskom dokumentacijom je traženo od ponuđača da važenje njihovih ponuda bude do 31.12.2024. godine, uzimajući u obzir planirana finansijska sredstva za realizaciju ugovora. Međutim postupak javne nabavke se do navedenog roka nije mogao okončati zaključenjem ugovora, te je dana 30.12.2024. godine Agencija izvršila izmjenu Odluke o pokretanju postupka javne nabavke u dijelu koji se odnosi na obezbjeđivanje novčanih sredstava za nabavku u smislu da se ista planiraju u kapitalnim rashodima budžeta Agencije za 2025. godinu. U skladu sa navedenim istog dana su ponuđačima upućeni zahtjevi za produženje važenja njihovih ponuda do 30.4.2025. godine, uz obavezu da svoju saglasnost o produženju dostave do 8.1.2025. godine.

Dana 8.1.2025. godine, u vezi zahtjeva za produženje važenja ponuda, zaprimljeni su odgovori ponuđača OD „Smartlab“ vl. Kabaši Rizah Sarajevo, broj 001/25, od 6.1.2025. godine, i od ponuđača „Ilirya Tech Group“ d.o.o Sarajevo. Svojim odgovorom ponuđač OD „Smartlab“ vl. Kabaši Rizah Sarajevo je produžio važenje svoje ponude, te dostavio i novu bankarsku garanciju za ozbiljnost ponude sa produženim rokom važenja, dok je ponuđač „Ilirya Tech Group“ d.o.o Sarajevo je odgovorom produžio važenje svoje ponude do traženog



roka. Od ponuđača „Lanaco“ d.o.o. Banjaluka nije zaprimljen odgovor kojim se produžava važenje njegove ponude, niti produžava važenje bankarske garancije za ozbiljnost ponude.

Dana 20.1.2025. godine Agencija je od „Ilirya Tech Group“ d.o.o Sarajevo kao izabranog ponuđača zaprimila uvjerenje/izvod/potvrdu Suda Bosne i Hercegovine kojim se dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca u skladu sa važećim propisima u Bosni i Hercegovini.

Na osnovu prispjele dokumentacije u postupku javne nabavke je pristupljeno utvrđivanju stanja za dalje postupanje:

- sa danom 30.1.2025. godine ponuđač „Lanaco“ d.o.o. Banjaluka nije u skladu sa zahtjevom Agencije od 30.12.2024. godine produžio važenje svoje ponude, niti produžio važenje bankarske garancije za ozbiljnost ponude, iz kojeg ponuda ovog ponuđača ne može biti predmet daljeg razmatranja u postupku;
- Odlukom o izboru najpovoljnijeg ponuđača od 3.1.2025. godine je odbačena ponuda ponuđača OD „Smartlab“ vl. Kabaši Rizah Sarajevo zbog neprihvatljivosti ponude, koji je istu uz obavještenje zaprimio dana 11.1.2025. godine, te do isteka roka za žalbu na Odluku nije osporio navode iz Odluke;
- Agencija je od izabranog ponuđača „Ilirya Tech Group“ d.o.o Sarajevo zaprimila odgovor u vezi produženja važenja ponude, ali ovaj ponuđač nije osigurao produženje bankarske garancije za ozbiljnost ponude u skladu sa članom 60. Zakona o javnim nabavkama i tačkom 5.10. Tenderske dokumentacije, iako je produžio važenje svoje ponude. U skladu sa navedenim smatra se da je ovaj ponuđač odbio zahtjev ugovornog organa, te njegova ponuda ne može biti predmet razmatranja u daljnjem toku postupka.

Imajući u vidu sve izneseno, te da, nakon što je u postupku javne nabavke donesena Odluka o izboru najpovoljnijeg ponuđača, u postupku nema pravilnih ponuda na osnovu kojih bi se mogao nastaviti postupak na zaključivanju ugovora (ponuda ponuđača OD „Smartlab“ vl. Kabaši Rizah Sarajevo nije bila prihvatljiva i istekao je rok za žalbu na Odluku, ponuđač „Lanaco“ d.o.o. Banjaluka nije produžio važenje svoje ponude u skladu sa zahtjevom Agencije, a izabrani ponuđač „Ilirya Tech Group“ d.o.o Sarajevo nije produžio važenje bankarske garancije za ozbiljnost ponude, a što je bio obavezan učiniti u skladu sa odredbama Zakona i Tenderske dokumentacije), Agencija otkazuje postupak javne nabavke zbog dokazanih razloga koji su izvan kontrole Agencije i koji se nisu predvidjeli u vrijeme pokretanja ovog postupka javne nabavke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
Digitally signed by Almir Badnjević, DN: cn=Almir Badnjević, o=Agencija za javne nabavke Bosne i Hercegovine, email=almir.badnjevic@agnb.gov.ba, c=Bosnia and Herzegovina